



CONCELLO DE FISTERRA
Rúa Santa Catalina, 1
15155 FISTERRA (A Coruña)
C.I.F.: P1503800C
Telf. 981 740 001
info@concellofisterra.com

exp. 2025/G003/000711

DECRETO

ASUNTO: DELEGACIÓN ESPECIAL DE FUNCIONES NO 2º TENENTE DE ALCALDE E CONCELLEIRO DE URBANISMO

EXPEDIENTE: 2025/G003/000711

Relacionado co expediente: 2021/U022/000016 – 2025/G003/000467

ANTECEDENTES:

Visto que a delegación de competencias do alcalde nos concelleiros regúlase no artigo 21.3 da Lei 7/1985, do 2 de abril, reguladora das Bases de Réxime Local (LBRL) e 43.5 do Regulamento de Organización, Funcionamento e Réxime Xurídico das Entidades Locais (ROF), aprobado polo Real Decreto 2568/1986, do 28 de novembro.

Considerando que o artigo 76 da LBRL, establece que “Sen prexuízo das causas de incompatibilidade establecidas pola lei, os membros das corporacións locais deberán absterse de participar na deliberación, votación, decisión e execución de todo asunto cando concorra algunha das causas á que se refire a lexislación do procedemento administrativo e contratos das Administracións Públicas.

A este respecto o artigo 23 da Lei 40/2015, do 1 de outubro, do Réxime Xurídico do Sector Público (LRXSP), establece que as autoridades e o persoal ao servizo das Administracións en quen se dean algunhas das circunstancias que se sinalan no seu apartado 2º, absteranse de intervir no procedemento e comunicarano ao seu superior inmediato, quen resolverá o procedente.

Entre outros motivos de abstención, o artigo 23.2.b) da LRXSP recolle o feito de “ter vínculo matrimonial ou situación de feito asimilable e o parentesco de consanguinidade dentro do cuarto grado ou de afinidade dentro do segundo, con calquera dos interesados, cos administradores de entidades ou sociedades interesadas e tamén cos asesores, representantes legais ou mandatarios que interveñan no procedemento, así como compartir despacho profesional ou estar asociado con estes para o asesoramento, a representación ou o mandato”.

Así as cousas e vendo que concorre unha das causas establecidas no artigo 23.2.b) da LRXSP, de impedimento que me imposibilita para o exercicio das miñas atribucións como alcalde.

Para evitar conflitos de intereses no procedemento no que un familiar directo de 2º grao de consanguinidade é parte interesada, coa finalidade de evitar que a miña participación directa poida comprometer a obxectividade no devandito procedemento, véxome obrigado a absterme e delegar a miña competencia para a tramitación deste expediente concreto.

Visto que o artigo 43.4 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, do 28 de novembro, establece que o Alcalde poderá efectuar delegación especiais en calquera concelleiro para a dirección e xestión de asuntos determinados. En concreto, as delegacións poden ser de tres tipos (ex art. 43.5 ROF):



CONCELLO DE FISTERRA

Rúa Santa Catalina, 1
15155 FISTERRA (A Coruña)
C.I.F.: P1503800C
Telf. 981 740 001
info@concellofisterra.com

exp. 2025/G003/000711

Relativas a un proxecto ou asunto determinado. Neste caso a eficacia da delegación, que poderá conter todas as facultades delegables do Alcalde, incluída a de emitir actos que afecten a terceiros, limitarase no momento de xestión ou execución do proxecto.

Relativas a un determinado servizo. Neste caso a delegación comprenderá a dirección interna e a xestión dos servizos correspondentes, pero non poderá incluír a facultade de resolver mediante actos administrativos que afecten a terceiros.

Relativas a un distrito ou barrio.

Conforme indica a Doutrina e Xurisprudencia, no suposto exposto estaríamos ante unha delegación especial relativa a un asunto determinado. A Alcaldía, delegará mediante Decreto que conerá o ámbito dos asuntos a que refírese a delegación, as facultades que se deleguen, así como as condicións específicas de exercicio das mesmas (ex art. 44.1 ROF).

A delegación terá efectos desde o día seguinte ao da data do Decreto, agás que nela dispóñase outra cousa, sen prexuízo da súa preceptiva publicación no «Boletín Oficial» da Provincia (ex art. 44.2 ROF). Alén do anterior, darase conta da delegación ao Pleno na primeira sesión que este celebre con posterioridade a esta (ex art. 44.4 ROF).

Por todo o exposto, en virtude do artigo 43.4 do ROF e concordantes, RESOLVO:

1º) Outorgar a delegación especial das funcións que lle corresponden a esta alcaldía, en favor de D. José Manuel Traba Fernández, 2º tenente de alcalde e concelleiro de urbanismo, para a tramitación do expediente 2021/U022/000016 e os seus expedientes relacionados.

2º) A delegación deberá estar documentada previamente, chegando con que nas resolucións que se adopten, fáganse constar que o 2º tenente de alcalde e concelleiro de urbanismo, actuou por delegación desta Alcaldía.

3º) Notificar persoalmente a D. José Manuel Traba Fernández, entendéndose tacitamente aceptada a designación se no prazo de tres días hábiles seguintes á notificación da presente Resolución non manifestase, de forma expresa, o seu desacordo ante esta Alcaldía, e sen prexuízo de que a mesma producirá efectos desde o día seguinte ao da súa sinatura, de conformidade co establecido no artigo 46.1, parágrafo segundo, e artigo 114 do ROF.

4º) Publicar a presente Resolución no Boletín Oficial da Provincia da Coruña, e no Portal de Transparencia, para o seu xeral coñecemento, en cumprimento do artigo 44.2 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, do 28 de novembro.

5º) As atribucións delegadas deberán exercerse nos termos e dentro dos límites desta Delegación, non sendo susceptibles de ser delegadas polos seus titulares noutro órgano o concelleiro.

6º) Cando as resolucións administrativas se adopten por delegación, farase constar expresamente esta circunstancia e consideraranse ditadas pola autoridade que as conferiu.



CONCELLO DE FISTERRA

Rúa Santa Catalina, 1
15155 FISTERRA (A Coruña)
C.I.F.: P1503800C
Telf. 981 740 001
info@concellofisterra.com

exp. 2025/G003/000711

A tal efecto, nas resolucións que se adopten, incluírase o seguinte texto na parte expositiva:

“Por todo iso, no exercicio das competencias que me foron conferidas en virtude da delegación efectuada pola Alcaldía deste Concello mediante decreto nº ... de data ..., ditado dentro do expediente ...”.

7º) O concelleiro delegado queda obrigado a informar á Alcaldía, a posteriori, da xestión e disposicións que dite, e, previamente, das decisións de trascendencia nos termos previstos no artigo 115 do ROF.

8º) Dar conta deste acordo ao pleno da corporación na primeira sesión ordinaria que se celebre, para dar cumprimento ao establecido nos artigos 42 e 46.1, parágrafo segundo, do ROF do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

Mándao e asíno o Sr. Alcalde-Presidente, en Fisterra, a luns 1 de decembro de 2025, o que eu, como Secretario, dou fe.

O ALCALDE,

Luís Manuel Insua Lago

ANTE MIN

O SECRETARIO-INTERVENTOR,

Marcos Vázquez Campaña